


Nang leumeus' seumeueng'



Muis htawm : Nang leumeus' seumeueng'

Cawo' tem' : Aesop's Fables

Nang Htut : I'La'

Rup : Aesop's Fables

Leukah' : Plang

Yam pleng' : September, 2016

Book name : The man who stared at the stars

Authour : Aesop's Fables

Translator : I'La'

Picture : Aesop's Fables

Language : Plang

Test edition : September, 2016


Nang leumeus' seumeueng'



Leumah', kue' a nang leumeus' seumeueng'
ti peue. Saec' yamnhaw', eun heul' mung'
seumeueng' awn' na.



Eun heul' mung' seumeueng' ceng' lac
ceng' lac ut' pangmao' na' kubul kubul ka.



Hawc' ko', eun kuit a, "A ci' na' puc ti lih neum tawngnhaw'? Seumeueng' na' a vae'e' saee' huk' ut' pangmao' lhung' lhang' yeuh ko'?" Eun nguitkvang' ri ka nyawk'.



Eun kuit lawng ka seumeueng' na' pon lheu'
nyawk' hot' hk'a' ri heul'. Eun un' laee' yawng
kaw ri heul' hk'a' nangnhaw' ri ka.




A'mawo eun na' ce nyu a'cang' rup eun
a'mawo ri na', ce keunyas eun.



A'mawo ku' ti peue na' eun lah' a ri heun, "Hot' mi hk'a' mi mung' seumeueng' na' yeuh ko' na' mi ta ri huk' ut' lhung' mi na' nawk a meuh lamlam ri." A'mawo eun na' ce deun' sati eun yeuh keutit'.



A'mawo bae ti peue na' eun ta lah' a ri heun bae, "Meuh ka yeut, mi lawn kaw cu ri heul' yeuh ko' ko', na' mi cang heul' hk'uic' nang keutui'."




Eun un' ti leukah' deun' sati ce a'mawo ri na'
a'ye' keuting. Eun ta hot' hk'a na' heul' bae.




Na' kue' ti bul ko', eun heul' seun' ku' yeuh ri
laleung na'. Eun heul' hk' uic' nang keutui'.



Kop ri keutui' na' rui' nyawk' ka, eun un'
laee' cang huk' hk'a' ka.




Na' rot yam awn' a ko', eun klawng peue ing'
teum' ri nang keutui' na'.




Kop meuh a kam' eun, a'mawo eun na' ce
caw ri heul' hpai keunam vang hk'uic' eun
a'mawo ri na'. Ce mhawng' seng' klawng laws'
na', ce mhaing' eun, "Mi ci' meuh a' nhaw?"



“Meuh ui’ a’ mawo leumeus’ seumeueng’ na’
eun.” Eun ren’kawn top’ a yeuh keutit’.



A'mawo eun na' ce lah' a ri heun, "Lah' ye a ri mi un' meuh. Maen'maet', yawng mi a hawc'?"
Ce va puri keunyas eun.



Hawc' ko', ku' leumeus' seumeueng' na' eun
lah' a, "Tang' maen' maet' na' ko', ca' kaw ui'
laee' heul' un' ceng' un' saee' ri. Ui' kaw keut' ti
leuceng leukah' tuil' sati pe' na'. Pawn ri uin' a
heul' yawo."